

RAPPORTERING PÅ TILSKOT «KULTUR AMATØR» SAKSNUMMER 2016/2418

Vinterfestivalen på Voss 2016

Gjennomføring:

KFUK-KFUM Bjergvin arrangerer årleg Vinterfestival på Voss for ungdom i alderen 13-19 år. I år var Vinterfestivalen helga 5.-7.februar og temaet var #BliSint. #BliSint er ein av KFUK-KFUM sine kampanjar i 2016, der eit av fokusområda er at vi ønskjer ein betre og meir rettvis klimapolitikk. Utfyllande informasjon om kampanjen ligg her: <http://kfuk-kfum.no/om-oss/nyheter/-bli-sint-2>

Vinterfestivalen er ein stor kristen ungdomsfestival som samlar ungdom frå store delar av Hordaland fylke. Festivalen er open for alle, men ungdommane må reise saman med ein vaksen leiar. Det var i år 574 stykke som var påmeldt festivalen, men på grunn av sjukdom så var det totalt 552 deltakarar på festivalen, og dette er inkludert leiarar og frivillige medarbeidarar. Det er også fleire kyrkjelydar som nyttar festivalen som konfirmantleir for sine konfirmantar, og i år var det fire konfirmantgrupper som nytta festivalen som ein del av konfirmantundervisningsopplegget sitt. Vinterfestivalen skapar engasjement i gruppene våre, både hjå medlemmane og våre frivillige leiarar, så vel som samfunnsengasjement og solidaritet for våre sysken i Sør.

Festivalen har eit godt og variert program. I KFUK-KFUM legg vi vekt på at vi er heile menneske, med ånd, sjel og kropp – og at vi treng å bruke heile oss for å føle oss som eit heilt menneske, og dette kjem også fram i programmet for festivalen, der det er både fysisk aktivitet, fagleg påfyll, åndeleg påfyll og ro for sjel og sinn. På fredagskvelden etter innsjekk og innkvartering på skular, er det klart for opningsshow med allsong, musikk, konkurransar, show og gøy. Her vert deltakarane introdusert for festivaltemaet, og eigenprodusert festivaldans og festivalsong. Etter dette er det klart for ei storslått kanonballturnering med god stemning, heiagjengar utkledd i festlege og kreative kostymar og masse liv og røre. Vi avsluttar kvelden med felles kveldssamling for å roe ned. På romma har gruppe «soveposesamling» som er eit samtaleopplegg for å reflektere over dagen som har vore og skape tilhøyrsløp i gruppa. Laurdagen er den store festivaldagen. Etter frukost var det morgonshow med «Communication for Change» (KFUK-KFUM og Kirkens Nødhjelp sitt eittåringsprogram, som er eit utvekslingsprogram for unge vakne mellom 18 og 25 år frå Noreg og våre samarbeidspartnarar i Sør). Her var mellom anna etisk handel og StopPoverty nokre av fokus områda. Etter morgonshowet er det seminartid – der deltakarane kunne velje mellom ca. 30 ulike seminar. Mellom anna dans, drama, styrearbeid, band, musikalsk leiing, kor, ulike hobby/handarbeid workshops, ski alpint, ski langrenn, brettspel, andakt, globalfokus-seminar med CFC (etisk handel og økonomisk rettferd), film, foto, direksjon, menneskerettar med fleire. Etter ein god middag var det klart for Globalauksjon og Globalløp (solidaritetsløp) til

inntekt for Globalaksjonen til KFUK-KFUM som i 2016 går til KFUK Tanzania sitt arbeid for barn og ungdom (m.a. drift av barneheim, skulegang og ulike aktivitetsgrupper). På kvelden er stort show der alle Ten Sing gruppene opptrer for kvarandre – så her er det god stemning, glitter og stas, mykje flinke ungdommar som får utfalde seg på scena og vise fram kva dei jobbar med i sine Ten Sing grupper; song, dans, drama m.m. Vi avslutta kvelden med konsert med Kløver og Skarre R. Det var ei stor oppleving for mange ungdommar og konserten var veldig populær. På søndagen er det tid for å pakke saman, før vi feirar gudsteneste saman med Voss kyrkjelyd i Idrettshallen på Voss. Vi avsluttar så helga med avslutningsshow der vi samlar trådane, og mellom anna så får felleskor, dans og drama seminara får vise fram kva dei har jobba med på seminar.

I KFUK-KFUM vektlegg vi ungt ansvar – vaksen nærvær. Dette kjem fram gjennom alt vi gjer før og under festivalen. Vi har ein frivillig arrangementskomité som består av unge vaksne mellom 18 og 25 år som har ansvar for planlegging og gjennomføring av festivalen. Arrangementskomiteen får oppfølging av dagleg leiar i KFUK-KFUM Bjørgvin, men det er komiteen som har ansvaret for å skipe til festivalen. Ungdommane som går på leiarkurs hos oss er også viktige medarbeidarar i førebuingane og under festivalen. MILK kurs deltakarar (Minileiarkurs for fjorårskonfirmantar) har t.d. ansvar for kveldsavslutninga fredagen. Festivalbandet, programleiarar og forsongarar består av ungdom mellom 16 og 20 år. Gudstenesta søndagen er laga av ungdommane våre som går på leiarkurset «LIV- Ledere i vekst», i samarbeid med festivalpresten. Vi har to teknikargrupper i kretsen, og desse hadde ansvar for den tekniske produksjonen for festivalen (lyd, lys, video og foto). Det er god leiaropplæring og vi gir dei ein arena for å utvikle seg og til å bli gode teknikarar. Dei aller fleste av medarbeidarane på festivalen er mellom 16 og 25 år, eit få tall er vaksne over 30 år. På denne måten for ungdom og unge vaksne høve til å vekse og utvikle seg, dei får ansvar, men i trygge rammer og får opplæring og erfaringar som er viktige og nyttige å ta med seg. Vinterfestivalen, er som mange av våre andre arrangement, heilt avhengig av frivillige medarbeidarar som legg ned stor innsats og mykje jobb i å skape ein gode og trygg festival for deltakarane. Inkludert leiarkursdeltakarane, så var det over 60 frivillige medarbeidarar med på festivalen.

Avvik:

Vi søkte om støtte til dette arrangementet innan søknadsfristen 1.april 2016. Då var arrangementet allereie gjennomført, sidan det var i februar 2016. Dermed har vi ikkje reklamert i informasjonsmateriell, ei heller hatt informasjon på heimesida vår, facebookside m.m. om at arrangementet er støtta av Kultur Amatør tilskot frå Hordaland fylkeskommune. Då arrangementet vart gjennomført var det nettopp blitt informert om nye retningslinjer for søknad om aktivitetstilskot frå Fylkeskommunen.

Vi veit også at vi sender inn rapporten noko seint, dette har med at prosjektrekneskapet ikkje har vore klart før no, og ønskte å sende inn ein fullstendig rekneskapsrapport med reelle tal framfor estimat.

Vi håper at desse avvika ikkje vil telje negativt for oss ved eventuelle framtidige søknadar, då tilsagnsbrev frå Fylkeskommunen kom i sommar og utbetaling av tilskotet skjedde i september.

Prosjektrekneskap:

Prosjekt 1 - Vinterfestivalen 2016

INNTEKTER

3630 - Deltageravgifter	-476 122,50
3701 - Fylkeskommunal støtte (Kultur Amatør aktivitetstilskudd)	-6 000,00
3702 - Støtte fra bispedømmet	-20 000,00
Sum inntekter	-502 122,50

KOSTNADER

5000 - Lønn til ansatte	35 000,00
6101 - Ressursmateriell, læremidler	5 307,80
6190 - Andre administrative kostnader	2 647,00
7100 - Reisekostnader	77 054,15
7101 - Overnatting (leie av skoler)	51 841,00
7103 - Leie av lokaler	66 780,00
7108 - Andre kostnader arrangement	27 491,00
7110 - Bispising/kantine	74 437,55
7111 - Show/Program	18 840,10
7112 - Leie av teknisk utstyr	41 000,00
Sum kostnader	400 398,60

<i>Netto resultat</i>	<i>-101 723,90</i>
<i>Fakturaer ikke bokført</i>	<i>7 000,00</i>
Deling av overskudd med Voss KFUK-KFUM etter avtale	36 181,00
<i>Endelig resultat</i>	<i>-58 542,90</i>

Kommentar til prosjektrekneskap:

Lønskostandar som er lagt inn i budsjettet er kostandar knytt til dagleg leiar sitt ansvar for koordinering, planlegging og gjennomføring av arrangementet i samarbeid med frivillige medarbeidarar. Lønskostnadane med tanke på kor mykje arrangementet kan bidra til dekking av kretsen sine lønskostnader, og ikkje ein reell sum for kor mykje tid dagleg leiar brukar på arrangementet i form av planlegging, gjennomføring og etterarbeid – det er eit mykje høgare tal enn kva som er budsjettert med og rekneskapsført. Likevel, så ønskjer ein å synleggjere i våre prosjektbudsjett og prosjektrekneskap at aktivitetane våre må vere med på å finansiere lønskostnadane som kretsen har. Vinterfestivalen på Voss er også eit av våre berande arrangement for økonomien vår, og derfor er det heilt avgjerande for dagleg drift og drift av eit omfattande programarbeid for barn og ungdom, at vi har eit godt overskot på dette arrangementet.